



# Nalabbaga a saludo ken kangangatoan a pammadayaw kenni Kadua Dioniso Micabalo

Komite Sentral  
Partido Komunista ng Pilipinas

**I**ti nagan ti sibubukel a Partido Komunista ti Pilipinas ken amin a cadre ken kameng na daytoy, ken iti nagan ti amin a Nalabbaga a kumander ken Nalabbaga a mannakigubat ti New People's Army, bigbigbigen mi ti kinabannuar ni Kadua Dionisio Micabalo, a mas am-ammo ti masa ken kakadua kas Ka Toto, Ka Jeff wenco Ka Delong.

Tumaktakder ti Komite Sentral ti Partido tapno ipaay ti Nalabbaga a saludo ken kangangatoan a pammadayaw kenni Ka Toto, iti awanpanagimbubukod a panagserbi iti umili a Pilipino ken panangidaton ti sibubukel a biag na para iti panangiyabante ti nailian-demokratiko a rebolusyon.

Ni Ka Toto ket pimmusay idi Hulyo 26, 2023 iti maysa nga armado a labanan iti nagbaetan ti New People's Army ken 58th IB ti Armed Forces of the Philippines (AFP) iti nagbeddengan ti Barangay Lilit ken Barangay Libertad, iti Gingoog City, Misamis Oriental.

Manipud iti kaunggan ti puso mi, iyebkas mi ti pannakipagrikna ken pannakipagladingit iti asawa, annak,



appoko ni Ka Toto, kasta met kadtigiti kakadua, ken iti masa a mannalon ken Lumad a nakadenna na iti biag na ti panagserbi na iti umili ken rebolusyonaryo a tignayan.

Ni Ka Toto ket naiyanak idi Disyembre 26, 1962, naggapu iti pamilya a bassit nga apo't daga. Nagbasa isuna ti kolehiyo iti Liceo de Cagayan iti Cagayan de Oro City nu sadinno a nangala isuna ti kurso a

BS Accounting.

Iti tawen nga 18, nariing ni Ka Toto iti panangidaddanans ken panagsaga ti umili a Pilipino gapu ti imperyalismo, pyudalismo ken burokrrata kapitalismo, a ramut ti parikut ti umili a Pilipino, ken panagsaga da iti uneg ti diktadura a US-Marcos. Simmilpo isuna kadagiti rebolusyonaryo a pwersa idi 1981 iti nagadalan na a kolehiyo. Uray iti

panawen ti linteg militar, limmaok isuna kadagiti pannakidangadang a masa nga anti-pasista, anti-imperialista ken antipyudal.

Idi 1982, timmipon ni Ka Toto iti New People's Army ken timmulong iti panangitakder kadagiti baro a larangang gerilya ken yunit gerilya. Idi 1985, naam-ammo isuna kas Ka Yani idi naidestito isuna iti Front 6 iti Bukidnon. Kadayta met laeng a tawen, naiyakar isuna iti Front 4-A iti Misamis Oriental ken sadiay a naam-ammo kas Ka Abbu ken Ka Cardo.

Idi 1988, naidestito ni Ka Toto iti lugar dagiti Lumad. Napnuan iti nangato a rebolusyonaryo a pakinkem, napartak isuna a nakaannatop iti biag dagiti katutubo. Impakita na ti panagrespeto kadagiti tradisional nga kaugallian, istruktura ken praktika, kabayatan nga in-inut na nga impangato ti pampilitika a kaam-muoan ken demokratiko a pigsa da. Dakkel ti naibingay ni Ka Toto iti panangiyabante ti rebolusyonaryo a tignayan da.

Sibubukelen nga impaay da ti biag iti panangiyabante ti gubat ti umili, impundar ni Ka Toto ken ti asawa na a pada a rebolusyonaryo ti maysa a natibker a rebolusyonaryo a pamilya. Pinadakkel da dagiti annak da nga addaan kaammoan kadagiti tarigagay ti umili a Pilipino para iti pudno a nailian a wayawaya ken demokrasya.

Kadagiti sumaruno a tawtawan, timmulong ni Ka Toto iti panangitakder kadagiti organisasyon ti Partido manipud iti seksyon komite aginggana pang-distrito ken lara-

ngan a tukad.

Karaman ni Ka Toto iti intar dagiti rebolusyonaryo a pwersa a nangitandudo ti Maikadua a Naindaklan a Tignayan a Panagilinteg a nirugian ti Partido idi 1992 tapno ilinteg dagiti kamali ken panagsiasi kadagiti basaran a prinsipyo. Adda met paset na kadagidiay a kakapuyan, ngem iti panagtulid ti panawen, tinakderan na ti nailian-demokratiko a linya babaen iti panangilaksid kadagiti rebisyonista a nagtraydor iti Partido, ti rebolusyonaryo a tignayan ken ti umili.

Idi 2003, kadua ti asawa na, natiliw ken nabalud ti innem a bulan ni Ka Toto. Nakaruuar isuna babaen iti panagbayad ti pyansa.

Idi 2009, immakem ni Ka Toto kas kalihim ti Panrehiyon a Komite ti Partido ti North Central Mindanao Region. Pinapigsa na ti kolektibo a panangidaulo ti Partido iti rehiyon. Babaen iti nairut a panangpetpet kadagiti basaran a prinsipyo ti naunday a gubat ti umili, isuda ti nangiyuna ti napartak a panaglawa ti gerilya a pannakigubat iti intero a rehiyon, nangruna idi 2012-2017, nu sadinno ket nadanon da ti tugatog ti rebolusyonaryo a pigsa iti rehiyon. Awan panagpangngaddua, ni Ka Toto ken dadduma pay a mangidadaulo a kadre ket nangted suporta kadagiti dadduma a rehiyon nga agkaskasapulan iti taw-an ken rekuoso.

Karaman ni Ka Toto kadagiti delegado iti Maika-2 Kongreso ti Partido Komunista ti Pilipinas idi 2016. Sadiay ket nabotosan isuna a kagawad ti Komite Sentral ti Partido. Pinagakem isuna kas maysa a mangidadaulo a kagawad ti Komisyon iti Mindanao idi 2017. Tawen 2023, pinagakem ti Komite Sentral ni Ka Toto kas kagawad ti Kawanihan iti Pulinika.

Sakbay isuna a pimmusay, aktibo nga indaulwan ni Ka Toto ti panagpabaro't pigsa ti rebolusyonaryo a tignayan iti NCMR, kalpasan a makapadas daytoy kadagiti panagatras gapu iti pang-uneg a kakapuyan ken kakurangan. Iti panaglagom ti kapadasan ti rehiyon, saan a nagpangngaddua a nagdillaw iti bagi ni Ka

Toto kadagiti nagbalin a kakapuyan ken impakita ti determinasyon nga ilinteg dagidiay. Kakuyog amin a rebolusyonaryo a pwersa iti NCMR, daldalliasaten ken tantannawagan dan ti dalan agturonsi ti pannakagun-od ti baro a tugatog ti rebolusyonaryo a pannakidangadang.

Iti tawen a 61, kasallabay ni Ka Toto ti agtutubo wenne naub-ubbing a Nalabbaga a mannakigubat iti panagballasiw kadagiti bantay ken karrayan, agturonsi kadagiti turod ken kapatagan, tapno danonen ti nalawa a masa ken agtultuloy a paggil-ayaben ti rebolusyonaryo a pakinakem da ken papigsaen ti organisado nga intar da. Awan babannogan ni Ka Toto gapu ta sadinno man ti papanan da, isabsabtan ida ti masa ti nabar a kape ken pammateg, ken ti narubrob a kapangngeddengan a lumaban kakuyog ti buyot ti umili ken iti bayabay ti Partido.

Pinanawan ni Ka Toto ti patawid a determinasyon, kolektibo a panangidaulo, ken napennek a panagadal ken panangiyaplikar ti Marxismo-Leninismo-Maoismo iti kongkreto a kasaad ken praktika, panagdillaw ken panagdillaw-iti-bagi ken natibker a panagdillasat iti dalan ti naunday a gubat ti umili.

Iti bangir dagiti naaramidan ken nagun-od a balligi, nagtalinaed a napakumbaba ken saan a managimbubukod ni Ka Toto. Maysa man isuna kadagiti natatan-ok nga adigi ti rebolusyonaryo a tignayan iti NCMR, iti Mindanao ken intero a pagilian, ngem saan isuna a nakakitaan ti kinlastog, kanayon a natanang ken nakaisem, agtaltalinaed nga alisto a maasitgan, sisasagana a dumngeg iti pammagbaga, ken mangted ti bukod a pammagbaga.

Ti umili a Pilipino, nangnangruna ti masa a mannalon ken nainsigudan nga umili ti Misamis Oriental, Bukidnon, Agusan del Norte, Lanao del Norte aginggana Maguindanao, iti kaanuman ket saan tu pulos a malipatan ni Dionisio Micabalo, komunista a kadre ken Nalabbaga a kumander, ken dagiti imbingay na para iti panangiyabante ti demokratiko a rebolusyon ti umili iti Pilipinas. AB



Espesyal nga Isyu | Oktubre 10, 2023

ang.bayan@cpp.ph

Ti Ang Bayan ket ipabpablaak ti Komite Sentral ti Partido Komunista ng Pilipinas dua a dasas iti tunggal bulan